

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2369 del 02/08/2022

Traduzione in mòcheno

Vaier as de Panarotta, s padònk en de Vraibellega Pompiarn

De amministrazion va de gamoa' va Garait hòt inngalont en somsta as de 30 van heibeger en Kamauvrunt òlla de vraibellega pompiarn van gruppn as hom toalganòmmen en de òrbetn za leschn o s vaier en de balder va de Panarotta. Der doi trèff hòt se gahòltet kan tendon va de fest organiziart en de sèlln ta ver en vaiern ver de Madonna della Pace, s ist kemmen gabellt abia zoag ver za song gèltsgott en de lait as hom pet gadult ont no an schouber ta va òrbet o'galescht s vaier.

Der president va de autonome provinza va Trea't as hòt aa toalganòmmen en doi trèff, hòt klòfft van schea' as ist gaben s sechen de zòmmòrbet zbischn de gruppn ont de distretti. Der hòt nou klòfft va de òrbet as mòchen de vraibellega pompiarn as ist nèt gamiast ver sei ober men sicht as de mòchen s pet vrait en an òrbet as ist runt pferlech. Olls s sèll as ist passiart zòmm pet de tragedia as passiart ist as de Marmolada, hòt gamòcht sechen sèll as guat ist za tea' der sistem van dinst van zivilschutz van Trentin.

De padònk sai' kemmen gamòcht van pirgermoaster va Garait as hòt gadenkt de òrbet as ist kemmen gamòcht en de ta van vaier van gruppn va vraibellega pompiarn va Garait ont van òndern gruppn van Vraibellegapompiarn ont van gamoa'n amministrationen aa.

Der vicepresidente va de Federazion van Gruppn van Vraibellegapompiarn der Luigi Maturi hòt mear vert klòfft va de zòmmòrbet as ist kemmen gamòcht en an intervento asou kompliziart.

Der ispettor va de Distrettual Union va Persn, der Mauro Oberosler hòt gem a toal zeiln: ist gaben an òrbet va 12 ta as s vaier ist envire gòngen ont s sai kemmen verprennt 110 ettari va bòlt.

Der hòt er aa gèltsgott kein en de 13 gruppn van Distretto as sai' as en plòtz gaben ont en de 15 gruppn van Distretto van Valzegu' ont Tesin as hom gem a hònt ont nou de gruppn va Zifzen, Ravina ont Fornas.

Der trèff as ist kemmen gamòcht en sunta hòt tschechen an schouber lait as hom toalganommen abia an schouber amministratorn.

Ibersetz gamòcht van Sprochtirl va de Tolgamoaschòft Hoa Valzegu' ont Bersntol

(Traduzione a cura dello Sportello linguistico della Comunità Alta Valsugana e Bersntol)

(cdt)